

唐
音
統
籤

丁籤九十五劉禹錫十六

唐音統籤卷

四百九十五

五言絕句

荊州歌二首

渚宮楊柳暗
麥城朝雉飛
可憐踏青伴
乘煖著輕衣

今日好南風
商旅相催發
沙頭櫓竿上
始見春江濶

紀南歌

杜預左傳注南郡江陵縣北紀南城故楚地

風烟紀南城
塵土荊門路
天寒獵獸者
走上樊姬墓

詞譜
視刀環歌

常恨言語淺不如人意深今朝兩相視脉脉萬重
一作心

紇那曲詞二首

楊柳鬱青青竹枝無限情周郎一回顧聽唱紇那
聲

踏曲興無窮調同詞不同願郎千萬壽長作主人
翁

三閣詞吳音四首

貴人三閣上日晏未梳頭不應有恨事嬌甚却生

愁

珠箔曲瓊鈎仔細見揚州北兵那得度浪語判愁

悠

沉香帖閣柱金樓画閣一作門楣回首降旂下已見

黍離離

三人出胷井一身登檻車朱門漫臨水不可見鱸

魚

柳花詞三首

開從綠條上散逐香風遠故取花落時悠揚占春

晚

輕飛不假風輕落不委地繚亂舞晴空發人無限
思
晴天間雪來送青春暮無意似多情千家萬家
去

淮陰行五首

并引

方有長干行言三江之事悉矣余
嘗但風淮陰作淮陰行以裨樂府

簇上淮陰市竹樓緣岸上好日起檣竿鳥飛驚五

兩

今日轉船頭金烏指西北烟波與春草千里同一
色

船頭大銅環摩挲光陳陳早晚便風來沙頭一眼認

何物令懷羨羨即船尾燕銜泥趁檣竿宿食長相見

隔浦望行船頭昂尾憶々無柰晚來時清淮春浪

軟

絕宋爲本誤作晚宋黃魯直以此之詩殊麗穩切元白不能爲獨晚宋不可解當時博洽者周

益公以爲古本作挑菜引東坡水生挑菜譜爲證

今晚來字亦出宋抄本並未知何人所訂

路傍曲

南山宿雨晴春入鳳凰城歲々聞絃管無非送酒聲

秋風引

何處秋風至蕭蕭送鴈群
朝來入庭樹孤客最先

聞

古詞二首

一作
諷古

軒后初冠冕前旒為蔽明
安知從複道然後見人

情

簿領乃俗士清談信古風
吾觀蘇令綽朱墨一何

工

詠史二首

驃騎非無勢少卿終不去世
道劇賴波我心如砥

柱
賈生明王道
衛綰工車戲
同過漢文時
何人居貴位

寓興二首

常談即至理
安事非常情
寄語何平叔
無為輕老生
世途多禮教
鵬鷃各逍遙
何事陶彭澤
拋官為折腰

九月登高

世路山河險
君門烟霧深
年年上高處
未省不傷

心

罷和州遊建康

秋水清無力
寒山暮多思
官閒不計程
徧上南朝寺

題壽安甘棠館二首

公館似仙家
池清竹徑斜
山禽忽驚起
衝落半巖花

門前洛陽道
門裡桃源路
塵土與烟霞
其間十餘步

和遊房公舊竹亭聞琴絕句

尚有竹間路永無羣下塵一聞流水曲重憶冷霞人

君山懷古

屬車八十一此地阻長風千載威靈盡赭山寒水中

經檀道濟故壘

萬里長城壞荒營野草秋秣陵多士女猶唱白符

鳩

自注史云常時人歌曰可
憐白符鳩枉殺檀江州

呂八見寄即內書懷因而戲和

文苑振金聲循良冠百城不知今史氏何處列君

名

敬酬徹公見寄二首

淒涼沃州僧顯顙紫桑梓別來二十年惟餘兩心

在

越江千里鏡越嶺四時雲中有逍遙人夜溪觀水

月

答柳子厚

年方伯玉早恨比四愁多會待休車騎相隨出尉
羅

鄂渚留別李二十一表臣大夫

高牆起行色促柱動離聲
欲問江深淺應如遠別
情

答表臣贈別二首

昔為瑤池侶飛舞集蓬萊
今作江漢別風雪一徘徊
嘶馬立未還行舟路將轉
江頭暝色深揮袖依稀
見

始發鄂渚寄表臣二首

祖帳管絃絕客帆淒風生
回車已不見猶聽馬嘶
聲

片言集
曉發柳林戍遙城聞五鼓憶與故人眠此時猶晤
語

出鄂州界懷表臣二首

離席一揮杯別愁今尚醉遲遲有情處却恨江帆
駛

夢覺疑連榻舟行忽千里不見黃鶴樓寒沙雪相
似

衡陽三贈柳柳州別

信書誠自誤經事漸知非今日臨湘別何年休汝
歸

別蘓州二首

三載為吳郡臨期祖帳開
雖非謝桀黠且為一裴回
流水閣門外秋風吹柳條
從來送客處今日自魂銷

傷段右丞

江湖舊遊
南宮交代

江海多豪氣朝廷有直聲
何言馬蹄下一旦是佳城

傷獨孤舍人

并引

貞元中余以御史監祠事河南獨孤生始仕為奉禮郎有事宗廟却時必與之俱錄是苦熱及

余請武後九年間獨孤生仕至中書舍人視草
禁中上方許以宰相元和十年春余祇召抵京
師次都亭日舍人疾不起
余聞因作傷詞以爲吊

昔別矜年少今悲長國華遠來同社燕不見早梅
花

再傷灋尹

京兆歸何處章臺空幕鹿可憐鸞鏡下哭殺畫眉
人

西川李尚書知愚與元武昌有舊遠示二篇
吟之泫然因以繼和二首

來詩云元公令陳
從事求蜀琴將以

爲寄而武昌之計
聞同陳生會葬

如何贈琴日已是絕絃時無復焚金報空餘掛劍
悲

寶匣從此閒

一作閒

朱絃誰復調祇應隨玉樹同向

土中銷

唐郎中宅與諸公同飲酒看牡丹

今日花前飲甘心醉數杯但愁花有語不為老人
開

渾侍中宅牡丹

經尺千餘朵人間有此花今朝見顏色更不向諸
家

庭竹

露澌鉛粉節風搖青玉枝
依依似君子無地不相宜

紅柿子

曉連星影出晚帶日光懸
本因遺采掇翻作保天年

丁籤九十五劉禹錫十七

唐音統籤卷

四百九十六

七言絕句

阿嬌怨

望見藏粧翠華試開金屋掃庭花
須臾宮女傳來信言幸平陽公主家

秋扇詞

莫道恩情無重來人間榮謝遞相催
當時初入君懷袖豈念寒燼有死灰

魏宮詞二首

日晚長秋簾外報望陵歌舞在明朝
添爐欲爇熏

衣襟憶得分時不忍燒
日映西陵松栢枝下臺相顧一相悲
朝來樂府長
歌曲唱着君王自作詞

踏歌詞四首

春江月出大隄平
隄上女郎連袂行
唱盡新詞歡
不見紅霞映樹鸕鷀鳴

桃蹊柳陌好經過
燈下粧成月下歌
為是襄王故
宮地至今猶自細腰多

新詞宛轉遞相傳
振袖傾鬟風露前
月落烏啼雲
雨散遊童陌上拾花鈿

日暮江南聞竹枝
南人行樂北人悲
自從雪裡唱新曲
直到三春花盡時

楊柳枝詞九首

塞北梅花羌笛吹
淮南桂樹小山詞
請君莫奏前朝曲
聽唱新翻楊柳枝
南陌東城春早時
相逢何處不依依
桃紅李白皆誇好
須得垂楊相發揮

鳳闕輕遮翡翠幃
龍池遙望麴塵絲
御溝春水相輝映
映殺長安年少兒

金谷園中鶯亂飛
銅駝陌上好風吹
城東桃李須



更盡爭似垂楊無限時

花萼樓前初種時美人樓上闌腰肢如今拋擲長
街裏露葉如啼欲恨誰

煬帝行宮汴水濱數株殘柳不勝春晚來風起花
如雪飛入宮牆不見人

御陌青門拂地垂千條金縷萬條絲如今綰作同
心結將贈行人知不知

城外春風吹酒旗行人揮袂日西時長安陌上無
窮樹唯有垂楊管別離

輕盈袅娜占年華舞榭粧樓處、遮春盡絮花留

不得隨風好去落誰家

楊柳枝詞二首

迎得春光先到來
淺黃輕綠映樓臺
只緣嫵媚多
情思更被春風長
倩猜一作推

巫峽巫山楊柳多
朝雲暮雨遠相和
因想陽臺無限事
為君回唱柳枝歌

楊柳枝

楊子江頭烟景迷
隋家宮樹拂金堤
歲歲猶是當時色
半蘸波中水鳥棲

楊柳枝

楊州修云：憲情集載湖州效周德華唱此是夢得詞集先載

片言初集
春江一曲柳千條二十年前舊板橋曾與美人橋
上別恨無消息到今朝

浪淘沙詞九首

九曲黃河萬里沙浪淘風簌自天涯如今直上銀
河去同到牽牛織女家
洛水橋邊春日斜碧流清淺見瓊沙無端陌上狂
風急驚起鴛鴦出浪花

汴水東流虎眼文清淮曉色鴨頭春君看渡口洶
沙處渡却人間多少人

鸚鵡洲頭浪颭沙青樓春望日將斜
衙泥燕子爭

歸舍獨自狂夫不憶家

濯錦江邊西岸花春風吹浪正淘沙女郎剪下鴛鴦錦將向中流是晚霞

日照澄洲江霧開淘沙女伴滿江隈美人首飾候王印盡是沙中浪底來

八月濤聲吼地來頭高數丈觸山回須臾却入海門去捲起沙堆似雪堆

莫道說言如浪淡莫言遷客似泥沉千淘萬漚雖辛苦吹盡狂沙始到金

流水淘沙不暫停前波未滅後波生令人忽憶瀟

湘渚回唱迎神三雨聲

竹枝詞九首 并引

四方之歌異音而同樂歲正月余建平里中見
 聯歌竹枝吹短笛擊鼓以赴節歌者揚袂睢舞
 以湘多為賢聆其音由黃鐘之羽卒章激訇如
 吳聲雖僮僕不可分而含怨婉轉有淇澳之艷
 昔屈原居沅湘間其民迎神詞多謠陋乃為作
 九歌至于今荆楚歌辭之故余亦作竹枝九篇
 俾善歌者隨之附于末後
 之楚巴歌知變風之自焉

白帝城頭春草生白鹽山下蜀江清南人上來歌

一曲北人莫上動鄉情

山桃紅花滿山頭蜀江春水拍山流花紅易衰似

郎意水流無限似儂愁

江上朱樓新雨晴
灤西春水縠紋生
橋東橋西好
楊柳人來人去
唱歌行

日出三竿春霧消
江頭蜀客駐蘭橈
憑寄狂夫書
一紙住在成都
萬里橋

兩岸山花似雪開
家口春酒滿銀杯
昭君坊中多
女伴永安宮外
踏青來

瞿塘嘈々十二灘
人言道路古來難
長恨人心不
如水等閒平地
起波瀾

巫峽蒼蒼烟雨時
清猿啼在最高枝
箇裏愁人腸
自斷向來不是
此聲悲

城西門前滌瀨堆
年年波浪不能摧
懊恨人心不如古
少時東去復西來
山上層層桃李花
雲間烟火是人家
銀釧金釵來負水
長刀短笠去燒畬

竹枝詞二首

楊柳青青江水平
聞郎江上唱歌聲
東邊日出西邊雨
道是無晴却有晴

楚水巴山江雨多
巴人能唱本鄉歌
今朝北客思歸去
回入紉那拔綠蘿

宜羅字

秋詞二首

自古逢秋悲寂寥我言秋日勝春朝
晴空一鶴排雲上便引詩情到碧霄

山明水淨夜來霜數樹深紅出淺黃
試上高樓清入骨豈知秋色使人狂

一作豈如春
色唯人狂

步虛詞二首

阿母種桃雲海際花落子成三十歲
滄海吹折最繁枝跪捧金盤獻天帝
華表千年一鶴歸疑丹為頂雲為衣
星斗仙語人聽盡却向五雲翻翅飛

隄上行三首

酒旗相望大隄頭
隄下連檣隄上樓
日暮行人爭渡急
聚聲叨軋滿中流

江南江北望烟波
入夜行人相應歌
桃葉傳情竹枝怨
水流無限月明多

春隄繚繞水徘徊
酒舍旗亭次第開
日晚上樓初一望
春隄繚繞水徘徊
招估客
裁舸大艚落鴈來

關下口號呈柳儀曹

綵仗神旗獵曉風
雞人一唱鼓蓬蓬
銅壺漏水何時歇
如此相催即老翁

監祠夕月望書事

其祀
月畫

西歸司分晝夜平羲和停午太陰生鏗鏘揖讓秋
光裏觀者如雲出鳳城

元和甲午歲詔書盡徵江湘逐客余自武陵
赴京宿於都亭有懷續來諸子

雷雨江湘起卧龍武陵樵客躡仙蹤十年楚水楓
林下今夜初聞長樂鐘

元和十一年自朗州承召至京戲贈看花諸
君子

紫陌紅塵拂面來無人不道看花回玄都觀裏桃
千樹盡是劉郎去後栽

品彙云桃栽上樹
蓋以此篇朝新貴

再遊玄都觀 并引

余貞元二十一年為北田外郎時於觀未有
花是歲出牧連州尋貶朗州司馬居十年召至
京師人皆言有道士手植仙桃觀滿如紅霞
遂有前篇以忘一時之事旋又出牧今十有四年
年復為主客郎中重遊玄都觀蕩然無復一樹
唯兔葵燕麥動搖於春風耳因再題二十八字
以便後遊時太和二年三月某日

百畝庭中半是苔
桃花淨盡菜花開
種桃道士歸何處
前度劉郎今又來

徵還京師見舊番官馮叔達

前者匆匆襍被行
十年憔悴到京城
南宮舊吏來相問
何處淹留白髮生

望洞庭

湖光秋月兩相和，潭面無風鏡未磨。遙望洞庭山

翠色白雲盤，一青螺。

禹錫嘗云：余嘗過洞庭，雖為一篇，思杜員外句云：年

去年東洞庭，走上白蘋愁殺白頭人。覺余有愧於杜公也。

登清暉樓

潯陽江色潮添滿，彭蠡秋聲鴈送來。南望廬山千
萬仞，共誇新出棟梁材。

樓上

事文類聚

江上樓高十二梯，梯上登遍與雲齊。人從別浦經
年去，天向平蕪盡處低。



同樂天登棲靈寺塔

步。相携不覺難。九層雲外倚欄干。忽然笑語半
天上。無限遊人舉眼看。

金陵五題

并引

余少為江右客而未遑秣陵後嘗有遺恨後為歷
陽守既而望之適有客以金陵五題相示適為
生思歎然有得他日友人白樂天掉頭苦吟歎
賞良久且曰石頭詩云潮打空城寂寞回吾知
後之詩人不復措詞笑餘曰詠
難不及此亦孤樂天之言尔

石頭城

山圍故國周遭在。潮打空城寂寞回。淮水東邊舊
時月。夜深還過女牆來。

劉辰翁云山在潮在月在
惟六國不在而空城耳

烏衣巷

朱雀橋邊野草花
烏衣巷口夕陽斜
舊時王謝堂前燕
飛入尋常百姓家

臺城

臺城六代競豪華
結綺臨春事最奢
萬戶千門成野草
只緣一曲後庭花

生公講堂

生公說法鬼神聽
身後空堂夜不扃
高高坐寂寥塵漠漠
一方明月可中庭

江令宅

南朝詞臣北朝客歸來唯見秦淮碧池臺竹樹三
畝餘至今人道江家宅

舊唐書本傳云金陵五
篇江南才子士稱爲佳作

臺城懷古

清江悠々王氣沉六朝遺事何處尋宮牆隱嶙圉
野澤鸛鷖夜鳴秋色深

故洛城古牆

紛落堪飛知幾春風吹雨洒旋成塵莫言一片瓦
基在猶通無窮來往人

望夫石

正對和
州郡樓

終日望夫夫不歸化為孤石苦相思望來已是幾

千歲只似當時初望時

韓信廟

將畧兵機命世雄
蒼黃漢室嘆良弓
遂令後代登壇者
每一尋思怕立功

後梁二帝碑堂下作

王馬朝周從此歸
園陵寂寞對豐碑
千行宰樹荆川道
暮雨蕭蕭聞子規

王思道碑堂下作

蒼々宰樹起寒烟
尚有威名海內傳
四府舊聞多故吏
幾人垂淚拜碑前

梁國祠

梁國三郎威德尊
女巫簫鼓走鄉村
萬家長見空山上
雨氣蒼茫生廟門

美溫尚書鎮定興元以詩寄賀

旌旗入境犬無聲
戮盡鯨鯢漢水清
從此世人間耳目
始知名將出書生

陪崔大尚書及諸閣老宴杏園

更將何面上春臺
百事無成老又催
唯有落花無俗態
不嫌憔悴滿頭來

揚州春夜李端公益張侍御登段侍御平路

密縣李少府暢秘書張正字復元同會於水
館對酒聯句追刻燭擊銅鉢故事遲輒舉觥
以飲之逮夜艾群公沾醉紛然就枕余獨獨
醒因題詩於改君枕上以志其事

寂寂獨看金燼落紛紛只見玉山頽自羞不是高
陽侶一夜星斗騎馬回

喜康將軍見訪

謫居愁寂似幽棲百草當門茅舍低夜月將軍忽
相訪鷓鴣驚起繞籬啼

逢王十二學士入翰林因以詩贈

時貞元十
二年以藍

田叔光
學士

廐馬翻飛禁外逢
星槎上漢香難從
定知欲報誰
南詔促召王褒入九重

贈劉景擢第

湘中才子是劉郎
望在長沙住桂陽
昨日鴻都新上第
五陵年少議清光

戲贈崔十年

學道溪山虛老人
留名萬代不關身
勸君多買長安酒
南陌東城占取春

贈長沙譚頭陀

外道邪山千萬重真言一發盡摧峯有時明月無人夜獨向昭潭制惡龍

憶樂天

尋常相見意殷勤別後思量夢更頻每遇登臨好風景羨他天性少情人

一作人情

醉答樂天

洛城洛城何日歸故人故人今轉稀莫嗟雪裡暫時別終擬雲間相逐飛

荅裴令公雪中詩白二十二與諸公不相訪之什

玉樹瓊樓滿眼新的知開閣待諸賓遲日未共非
無意擬作梁園坐右人

城內花園頗曾遊翫今公居守亦有素期通
春霜一夕委謝書實以荅令狐相公見譴

樓下芳園最占春年年結侶採花頻繁霜一夜相
撩治不似佳人似老人

荅張侍御賈喜再登科後自洛赴上都贈別
又被時人寫姓名春風引路入京城知君憶得前
身事分付鶯花與後生

重荅柳柳州

補舊作
柳宗元非

弱冠同懷長者憂臨歧回想盡悠悠耦耕若便遺
身老黃髮相看萬事休

答楊八敬之絕句

楊生時
赤論者

飽霜孤竹聲偏切帶火樵桐韻本悲今日知音一
留聽是君心手不平時

洛濱病卧李侍郎見惠藥物謹以丈星之句
隱几支頤對落暉故人書信到柴扉周南留滯商
山老星象如今屬少微

奉和裴令公夜宴

天下蒼生望不休東山難有但時遊從來海上仙

桃樹肯逐人間風露秋

奉和裴晉公涼風亭睡覺

驪龍睡後珠元在仙鶴行時步又輕
方寸瑩然無一事水聲來似玉琴聲

和裴相公傍水閒行

為愛逍遙第一篇時時閒步賞風烟
看花臨水心無事功業成來二十年

裴令公見示誚樂天寄奴買馬絕句
雙言仰和且戲樂天

常奴安得似方回爭望追風絕足來
若把翠娥酬

綠耳始知天下有奇才

和滑州李尚書上已憶江南禊事

白馬津頭春日遲
沙州歸鴈拂旌旗
柳營唯有軍中戲
不似江南三月時

選和韓睦州元相公二君子

玉人紫綬相暉映
却要霜鬢一兩莖
其奈無成空老去
每臨明鏡若為情

和浙西尚書常州楊給事製新樓因寄之作

文昌星象盡束來
油幕朱門次第開
且上新樓看

風月會乘雲雨一時回

自注尚書在南昌為左丞
給事與尚書錫皆是郎吏

有懷故林之思吟諷不足因而和之

侯家故吏歌聲發逸處能高怨處低今歲洛中無
雨雪眼前風景是江西

和嚴給事聞唐昌觀玉蕊花下有遊仙二絕
玉女來看玉蕊花異香先引七香車攀枝弄雪時
迴顧驚怪人間日易斜

雪蕊瓊絲一作蕊滿院春羽衣輕步不生塵君平簾
下徒相問長伴吹簫別有人

和樂天春詞

新粧宜面一作下朱樓溪鎖春光一院愁行到中

庭數花朵蜻蜓飛上玉搔頭

裴侍郎大尹雪中遺酒一壺兼示喜眼疾平
一絕有閑行把酒之句斐然仰酬

卷盡輕雲日更明金籠不用且閑行若傾家釀招
來客何必池塘春草生

訓僕射牛相公晉國池上別後至甘棠館忽
夢同遊因成口號見寄

已嗟池上別魂驚忽報夢中攜手行此夜獨歸還
乞夢老人無睡到天明

謝思黯代書見戲

官冷如漿病滿身
凌寒不易過
天津少年留守多
情興請待花時作主人

酬令狐相公見寄

羣玉山頭住
四年每聞笙鶴著
諸仙何時得把浮
丘袖
白日將昇第九天

令狐相公春思見寄

一紙書封四句詩
芳晨對酒遠相思
長吟盡日西
南望
猶及殘春花落時

酬楊八副使將赴湖南途中見寄一絕

知逐征南冠楚材遠勞書信到陽臺明朝若上君
山上一道巴江自此來

酬楊侍郎憑見寄

翔鸞闕底謝皇恩纓上滄浪舊水痕疏傳揮金忽
相憶遠聲長句與招魂

酬馬大夫登滙口戍見寄

新辭金印拂朝纓臨水登山四體輕猶念天涯未
歸客瘴雲溪處守孤城

赴連州途經洛陽諸公置酒相送張員外賈
以詩見贈率爾酬之

謫在三湘最遠州邊鴻不到水南流如今暫寄譚
前笑明日辭君步步愁

酬瑞州吳大夫夜泊湘川見寄一絕

夜泊湘川逐客心月明猿苦血沾襟湘妃舊竹痕
猶淺從此因君染更深

酬元九院長自江陵見寄

無事尋花至仙境等閒栽樹比封君金門通籍真
多士黃紙除書每日聞

杏園花下酬樂天見贈

二十餘年作逐臣歸來還見曲江春遊人莫咲白

頭醉老醉花間有幾人

酬柳柳州家雞之贈

日日臨池弄小雛
還思畫論付官奴
柳家新樣元和脚
且盡藍芽釀一作手徒

荅前篇

小兒弄筆不能嗔
浣壁書牕且賞勤
聞被夢熊猶未兆
女中誰是衛夫人

荅後篇

昔日慵工記姓名
遠勞辛苦寫西京
近來漸有臨池興
為報元常欲抗衡

丁籤九十五劉禹錫十八

唐音統籤卷

四百九十七

七言絕句二

寄湖州韓中丞

老郎日日憂蒼鬢
遠守年年厭白蘋
終日相思不相見
長頻相見是何人

寄毗陵楊給事三首

揮毫起制來東省
躡足修名謁外臺
好看紫綬莫惆悵
出文入武是全才

曾生魚書輕刺史
今朝自請左魚來
青雲直上無多地
却要新飛取勢回

東城南陌昔同遊坐上無人第二流屈指如今已
零落且須歡喜作鄰州

重寄表臣二首

對酒臨流奈別何君今已醉我蹉跎分明記取星
星鬢他日相逢應更多

世間人事有何窮過後思量盡是空早晚同歸洛
陽陌卜鄰須近祝雞翁

重寄唐州楊處厚絕句

淮西既是平安地鶚路今無羽檄飛聞道唐州最
清靜戰場耕盡野花稀

李賈二大諫拜命後寄楊八壽州

諫省新登正直臣
萬方驚喜捧絲綸
遙知天子明如日
肯放淮南高卧人

赴連州途次德宗山陵寄張員外

常時並冕奉天顏
委佩低簪彩仗間
今日獨來張樂地
萬重雲水望橋山

夜燕福建盧侍郎宅因送之鎮

暫駐旌旗洛水隄
綺羅紅燭醉蘭闥
美人美酒長相逐
莫怕猿聲發建溪

洛中送韓七中丞之吳興口號五首

昔年意氣結群英幾度朝回一字行海北天南零
落盡兩人相見洛陽城

自從雲散各東西每日歡娛却慘懷離別苦多相
見少一生心事在詩題

今朝無意訴離杯何況清絃急管催本欲醉中輕
遠別不知翻引酒悲來

駱駝橋上蘋風急鸚鵡杯中箬下春水碧山青知
好處開顏一笑向何人

溪中士女出笆籬溪上鴛鴦避画旗何處人間似
仙境春風携妓採茶時

唐開元二
年太守會
茶山采茶
各携女樂
甚盛詩蓋

用此俗本云知故寔
是政焉來述正之

衡陽重別柳柳州

二十年來萬事同
今朝岐路忽西東
皇恩若計歸
田去歲晚當為鄰舍翁

送廖參謀東遊二首

九陌逢君又別離
行雲別鶴本無期
望嵩樓上忽
相見看過花開花落時
繁花落盡君辭去
綠草垂楊引征路
東道諸侯皆
故人留連必是多情處

洛中春末送杜鍊事赴新州

樽前花下長相見
明日忽爲千里人
君過午橋回首望
洛城猶自有殘春

重送鴻舉師赴江陵謁馬逢侍御

西北秋風凋蕙蘭
洞庭波上碧雲寒
茂陵才子江陵住
乞取新詩合掌看

送霄韻上人遊天台

曲江僧向松江見
又道天台看石橋
鶴戀故巢雲戀岫
比君猶自一道遙

有所嗟二首

庾令樓中初見時
武昌春柳似腰肢
相逢相笑盡

如夢為兩為雲今不知

鄂渚濛濛烟雨微女郎魂逐暮雲歸只應長在漢陽渡化作鴛鴦一隻飛

聽舊宮中樂人穆氏唱歌

曾隨織女渡天河記得雲間第一歌休唱貞元供奉曲當時朝士已無多

興歌者何戡

二十餘年別帝京重聞天樂不勝情舊人唯有何戡在更與殷勤唱渭城

興歌者米嘉榮

唱得涼州意外聲
舊人唯數米嘉榮
近來時世輕
先軍好染髭鬚
事後生一作一別嘉榮三十載忽
聞舊曲尚依然
如今世俗
輕前幸好樂
終終市少年

田順郎歌

清歌不是世間音
玉殿嘗聞稱主心
唯有順郎全
學得一聲飛出九重溪

與歌童田順郎

天下能歌御史娘
花前葉底奉君王
九重溪處無人見
分付新聲與順郎
唐府雄錄貞元中有善歌
田順郎為宮中御史娘子今
據此兩抱又似御史娘授
曲于田順者為不可曉

曹剛

大絃嘈囋小絃清噴雪含風意思生一聽曹剛彈
薄媚人生不合出京城

寄贈小樊

花面丫頭十三四春來綽約向人時終須買取名

春草處々相將步步隨春草亦樂天舞妓也

贈杜大司馬妓紀事云禹錫赴吳臺揚州大

酒禹錫詩云云本事詩云李仲龍鎮在京

邀禹錫飲坐上作李因以妓贈之今按杜

渴斷拜相在代宗朝禹錫安及兒之當由

詩中杜韋娘字所誤杜韋娘自是歌曲名

非妓姓名也見

崔令欽教坊記

高髻雲鬟

本事詩作髻髻梳頭注云髻髻亦作髻
喧並上聲古今注言即墮馬之道像

宮樣粧春風一曲杜韋娘司空見慣渾閑事斷盡

江南

一作憶
蘇州

刺史腸

遙和令狐相公坐中間思帝鄉有感

當初造曲者為誰說得思鄉戀闕時滄海西頭舊

丞相停杯處分不須吹

分上
聲

聽僧彈琴

禪思何妨在玉琴真僧不見聽時心秋堂境寂夜

方半雲去蒼梧湘水深

出主
客圖

聞道士彈思歸引

仙公一奏思歸引
逐客初聞自泣然
莫怪殷勤悲此曲
越聲長苦已三年

秋夜安國觀閨望

織女分明銀漢秋
桂枝梧葉共飈飈
月零滿庭人寂
寞霓裳一曲在高樓

夜聞商人船中箏

大舸高船一百尺
新聲促柱十三絃
揚州市裏商人女
來占江西明月天

代靖安佳人怨二首

并引

靖安丞相武公居里名也元和十一年六月公
將朝夜漏未盡三刻騎出里門過盜薨于墻下

初公為郎余為御史由是有憾故今守于遠服
賤不可以謀又不為歌詩于楚魏故代作
佳入怨以律于樂府云
司馬時朝廷欲深潤補即而元衛執政乃格不
行夢得作詩傷之而記其靜安
佳入其傷之也乃所以快之歟

寶馬鳴珂踏曉塵
魚文匕首犯車茵
適來行哭里

門外昨夜華堂歌舞人

秉燭朝天遂不回路人彈指望高臺
墻東便是傷

心地夜夜流螢飛去來

虎丘寺見相公二年前題名愴然有詠
前年

送之
武昌

漣水送君君不還
見君題字虎丘山
因知早貴兼

才子不得多時在世間

傷循州渾尚書

貴人淪落路人哀碧海連天丹旆回遙想長安此時節朱門深巷百花開

傷愚溪三首

有引

故人柳子厚之謫永州待謫地結茅樹蔬為沼
注為臺掘曰愚溪柳子沒三年有僧遊零陵
告余曰愚溪無復曩時矣一聞僧言悲
不能自勝遂以所聞為七言以寄恨

溪水悠々春自來草堂無主燕飛回隔簾唯見中庭草一樹山榴依舊開

草聖數行留壞壁木奴千樹薦鄰家唯見里門通

德榜殘陽寂寞出樵車

柳門竹巷依依在野草青苔日日多想有鄰人解

吹笛山陽舊侶更誰過

詩眼云柳門竹巷詩句出是海語與子厚了無涉

碧澗寺見元九侍御和展上人詩有三生之

句因以和

廊下題詩滿壁塵塔前松樹已鱗皴古來唯有主
文度重見平生竺道人

傷桃源薛道士

壇邊松在鶴巢空白鹿閑行舊徑中手植紅桃李
樹發滿山無主任春風

和西川李尚書傷韋令孔雀及薛濤之什

玉兒已逐金環葬翠羽先隨秋草萎惟見芙蓉含

曉露數行紅淚滴清池

自注後魏元樹南陽王禧之子南奔建業數世後北

歸安雖宋玉兒脫金指環為贈樹至魏都以此指環寄玉兒示有還意也

吟樂天自問愴然有作

親友關心皆不見風光滿眼倍傷神洛陽城裏多
池館幾處花開有主人

題歌器圖

秦國功成思稅駕晉臣名遂歎危機無因上蔡牽
黃犬願作丹徒一布衣

贈元九侍御文石枕以詩獎之

文章似錦氣如虹
宜薦華簪綠殿中
縱使涼飈生旦夕
猶堪拂拭愈頭風

吳興敬郎中見惠斑竹杖兼示一絕聊以謝之

一莖炯炯琅玕色
數節重如玉瑁文
拄到高山未登處
青雲路上願逢君

燕爾館破屏風所画至精人多歎賞題之

画時應遇空亡日
賣處難逢識別人
唯有多情狂來客
強將衫袖拂埃塵

嘗茶

止拍芳叢鷹嘴牙
老郎封寄謫仙家
今宵更有湘江月
照出霏霏滿盞花

賞牡丹

庭前芍藥嬌無格
池上芙蓉淨少情
唯有牡丹真國色
花開時節動京城

思黯南墅賞牡丹

偶然相遇人間世
合在增城阿姥家
有此傾城好顏色
天教晚發賽諸花

和令狐相公別牡丹

平章宅裏一欄花
臨到開時不在家
莫道西京非遠別
春明門外即天涯

六言絕句

荅樂天臨都驛見贈

北固山邊波浪東
都城裏風塵世事
不同
心事新人何似故人

再贈樂天

一政政官軋軋一
年年老駸駸身外
名何足算別來詩
且同吟

酬楊侍郎惠見寄

十五毛羽摧頽一旦天書召回看看爪時欲到故

侯也好歸來

附聯句

起本所收聯句十六篇多在裴度李絳王起諸人集中取出今止錄其一以詩題出

夢得為辨也餘各歸諸人本集云

樂天是月長齋鄙夫此時愁卧里閤非遠雲霧難披因以寄懷遂為聯句所期解悶焉敢

驚禪

五月長齋月文心苦行心蘭蕙不入戶簷蔔自成

林夢得護戒先辭酒嫌喧不徹琴塵埃賓位靜香

火道場深樂天我靜馴狂象吾餘施眾禽定知於

佛佞豈復向書淫夢得欄藥凋紅艷庭槐換綠陰

風光徒滿目雲霧未披襟樂天樹為清涼倚池因

盟漱臨蘋芳遭燕拂蓮折待蜂尋夢得舍下環流

水憲中列遠亭苔斑殘剝落石怪玉嶽峯樂天鵲

頂迎秋充黑喉入夏瘡柳絲垂色綻棘刺落長針

夢得散帙身猶幸趨朝力不任官將方共拙年與

病交侵樂天狗樂非時選忘機似陸沉鑒容稱四

皓捫腹有三壬夢得攜手慙連壁同心許斷金紫

芝雞雖唱前後各白雪少知音樂天憶罷吳門守

相逢楚水潯舟中頻曲宴夜後各加斟夢得濁酒

銷殘漏鼓聲聞遠砧配顏舞長袖密坐接華簪

天持論峯巒峻戰文奇戰森突言誠莫逆造次必

相歲夢得往事應如昨餘歡迄至今迎君常倒屣

訪我輒携衾

樂天

陰魄初離畢

時將有雨

陽光正在參

五月待公休一日縱飲共狂吟

夢得

句

湖上收宿雨故國思如此若為天外心

寄白公並見

東屯滄海濶南瀼洞庭寬

秋水詠見紀

客園此不及韋蘇州春潮帶雨晚來急野渡無人舟自橫

翠粒照晴露

侯鯖

銀花垂院榜翠羽撼條鈴

雪中記

朱輪尚憶群

飛雉青綬初懸左顧龜

見緯畧

丁籤九十六

唐音統籤卷

四百九十八

竇常叔向之子叔向生五子常字中行登大曆進士第隱居廣陵柳楊著書二十年不出後就淮南杜佑辟為參謀歷朗陵江撫四州刺史國子祭酒致仕

唐志集十八卷宋志七

弟牟字貽周登貞元進士第

累佐節度府晚從昭義盧從史以從史驕不可諫移疾歸終國子司業 羣字丹列初以處士隱毘

著書數十篇章夏卿薦之擢拜左拾遺元和初為膳部員外郎唐州刺史宰相李吉甫引為吏部郎中御史中丞後羣欲用呂溫羊士諤為御史不遂

因構事誣言甫憲宗出之為湖南觀察後復坐貶

遷容管經畧召還道卒庠字胄卿釋褐國子主

簿韓臯鎮武昌辟為推官終婺州刺史華字文

封登元和進士第累辟幕府歷司勳員外刑部郎

元稹觀察浙東請為副使復從稹鄂渚卒華性溫

雅不能持論士友言議之際吻動而不發白居易

目為囁嚅翁工五言詩及絕句為時所賞重與稹

書云君與僕悉索還往詩中取其尤美者如張十

八古樂府李二十新歌行盧獨二秘書崔詩實七

元八絕句編次之號元白往還詩集眾君子得擬
議于此者莫不踴躍歡喜以為盛事寶七郎輩也
之選酬詠最多至今稱蘭亭絕唱宋志集一卷

竇氏聯珠集一

新唐書云聯珠集義取昆弟若五
星然卷首各立一傳凡五卷並常

孝後嗣
所編

故國子祭酒致仕贈太
子少保府君詩并傳

府君諱常字中行扶風平陵人也祖璽同昌郡
司馬贈水部郎中皇朝善叔向仕至左拾遺贈尚

書僕射常代宗皇帝朝善五言詩名冠流輩時
屬貞觀皇太后山陵上注意哀挽即時進三章內

考首出傳諸人口者有禮遜生前貴恩追殺後
祭又命婦羞蘋葉都人掃禁花又集兵環素帝

宮女哭寒雲俗在文集故刑部侍郎包信製序
府君同氣五人各載首序府君大曆十四年舉

進士與故吏部侍郎奚陟商州牧下悅秘校獨
孤獲同年上第迨拾遺下世力養繼親家無孺

產百口漂寓由是素高料干寤時就泉府之小
戡迨迴者十年厥後載罹家福因卜居廣陵之

柳楊西偏疏泉種竹隱几著書者又十載由
第至釋褐凡二十年洵貞元十四年秋成德軍

卷一百七十一

節度使太尉王公命從事御史盧泚貶五百金
辟為掌記不就其年淮南節度使左僕射霸陵
杜公奏為恭謀授秘書省校書郎殿後厯泉府
從事由揚律郎遷監察御史裏行居無何湘東
作戎轉殿中侍御史賜緋魚袋元和初六年由侍
御史入為水部員外郎亦既二歲婚嫁未畢求
狀守之官出為朗州刺史轉夔州刺史尋陽臨川三
郎既罷東歸舊業時宰嘉招因辭衰疾因除國
子祭酒致仕寶曆元年秋獲疾告終于廣陵之
白沙別業享年七十七其年詔贈越州都督會
昌元年武宗即位恩覃中外嗣子弘餘任黃州
刺史准赦改贈太子少保有文一十八卷西江
逸民褚藏言製序

北固晚眺

水國芒種後梅天風雨涼露蠶開晚簇
露蠶謂露
養于外自淮以西其俗皆然每至晚
晴連屋間猶望之如雪簇蠶箔也
江燕繞危檣

山趾北來固潮頭西去長年年此登眺人事幾銷
亡

項亭懷古

力取誠多難天亡路亦窮有心裁帳下無面到江
東命厄留驢處年銷逐鹿中漢家神器在須廢拔
山功

晚次方山精舍却寄張薦員外

楚臘還無雪江春又足風馬羸三外人病四愁
中西波濤濶南朝寺舍空猶啣步兵酒宿醉在
滌東

奉使西還早發小礪館寄盧滁州邁

野棠花覆地山館夜來陰馬跡穿雲去雞聲出澗
深清風時偃草久旱或為霖試與惇蒙話猶堅借
冠心

途中立春寄懷楊郃伯

浪跡終年客驚心此地春風前獨去馬澤畔耦耕
人老大交情重悲涼物外親子雲人在宅應見柳
條新

早發金鉤店寄奚十唐大二茂才

出門山未曙風葉暗蕭蕭月影臨荒柵泉聲近廢

橋歲經秋後役程在洛中遙寄謝金門侶弓旌悞
見招

和裴端公樞蕪城秋夕簡遠近親知

歲積登朝戀秋加陋巷貧宿醒因夜歇佳句得愁
新盡日憑幽几何時止軟輪漢廷風憲在應念匪
躬人

茅山贈梁尊師

雲屋何年客青山白日長種花春掃雪看籙夜焚
香上象壺中潤平生醉裏忙幸承仙籍後乞取大
還方

謁三閭廟

君非三諫悟禮許一身逃自樹終天戚何裨事主
勞衆魚應餌骨多士盡鋪糟有客椒漿奠文袞不
繼騷

涼國惠康公主挽歌

玉立分花緒等年下相門早加于氏對獨占館陶
恩淚有潛成血香無却返魂共知何駙馬垂白抱
天孫

故秘監丹陽郡公延陵包公挽歌詞

卓絕明時第孤貞貴後貧都說為曾子季札是鄉

人筆下調金石花間領播紳那堪歸葬日哭渡柳
楊津

哭張倉曹南史

萬事竟蹉跎重泉恨若何
官臨環衛小身逐轉蓬
多麗藻嘗專席閒情欲爛柯
春風宛陵路丹旆在
滄波

酬舍弟年秋日洛陽官舍寄懷十韻

幼為逃難者終省用兵初
去國三苗外全生四絕
餘老時親帝里歸處失吾廬
逝水猶鳴咽祥雲任
卷舒正郎曾首拜亞尹未平除
幾幾陶家柳空傳

魏關書思陵天際鶴言甚轍中魚玉立知求已金
聲乍起予在朝魚水分多病雪霜居忽報陽春曲
縱橫恨不如

奉送職方崔貲外攝中丞新羅冊使

帝命海東使人行天一涯辨方知木德開國有金
家冊拜由恩重留驩作限賒順風鯨浪熟初日錦
帆斜夜色潛燃火秋期獨往槎慰安皆喻旨忠信
自無瑕髮美章年髫參香子月花便隨珍賈入正
朔在中華

求自試

仙禁祥雲合高梧彩鳳遊沉冥求自試通鑒果蒙
收文墨悲無位詩書誤白頭陳王抗表日毛遂請
行秋雙劍曾埋獄司空斗牛希岳拂拭惠感激
願相投

花發上林苑

上苑晚沉。花枝亂綴陰色浮。雙闕迎春入九門
溪向暖風初扇餘寒雪尚侵艷回秦女目愁處越
人心統統時蒙蝶關。乍引禽寧知幽谷羽一舉
欲依林

立春後言懷招汴州李匡衡推

聞齊夜擊吐壺歌試望夷門奈遠何每聽寒笳雜
夢斷時窺青鑑旅愁多初驚宵漏丁丁促已覺春
風習習和海內故人君最老花開鞭馬更相遇見巖

時韻
咏

之任武陵寒食日途次松滋渡先寄劉員外
禹錫

杏花榆莢晚風前雲際離心上峽船江轉數程淹
驛騎楚曾三戶少人烟看春又過清明節算老重
逢癸巳年幸得桂山當郡舍在朝長咏卜居篇桂山

在武陵郡東十
七里今德山縣

奉寄辰州房使君郎中

漢代文明今盛明，猶將賈傳暫專城。
何妨密旨先符竹，莫是陰書誤姓名。
蝸舍喜時春夢覺，隼旗行處瘴江清。
新年只可三十二，却笑潘郎白髮生。

奉和太保岐公承恩致仕

召公為保及清時，冠蓋初開拜武遲。
五色詔中宣九德，百寮班外置三師。
山泉遂性休稱疾，子弟能官各受詞。
不學鑄金思范蠡，乞言猶許上丹墀。

謁諸葛武侯廟

永安宮外有祠堂，魚水恩深祚不長。
角立一方初

退舍擬稱三漢更圖王人同過隙無留影石在窮
沙尚啓行歸蜀降吳竟何事為陵為谷共蒼々

七夕寄懷

露盤花水望三星髣髴虛無降匹靈斜漢沒時人
不寐幾條蛛網下風庭

四皓祠堂卽事

奪嫡心萌事可謀一作元四賢西笑暫安劉後王不敢論

圭組上

過宋氏五女舊居

宋氏女姊貞元中同入宮

謝廷風韻婕妤才天縱斯文去不迴一宅柳花今

似雪卿人凝築望仙臺

杏山館聽子規

楚塞餘春聽漸稀
斷猿今夕尚霑衣
雲埋老樹空山裏
鶯鶯千聲一度飛

還京樂歌詞

百戰初休十萬師
國人西望翠華時
家家盡唱昇平曲
帝幸梨園親製詞